

欽定八旗通志卷一百九十六

人物志七十六

大臣傳六十二

漢軍正白旗一 和濟格爾 馬國柱 宜永貴 沈永忠 徐大

貴

蔡士英

于時躍

趙祥星

孫思克

和濟格爾

子拜音達禮

和濟格爾本蒙古烏嚕特人後隸正白旗漢軍遂

爲何氏

太祖高皇帝天命七年征明取廣寧城和濟格爾時爲明

金定人加通示 卷一百一十一
千總隨守備石廷柱來降授叅領十一年從征巴
林部囊努克斬三人追獲叛逃蒙古又從征棟夔
俘獲甚衆

太宗文皇帝天聰三年從征明偵敵薊州斬哨卒三敵兵
三百來犯和濟格爾衝鋒入斬其把總一五年大
軍圍大凌河城明兵自錦州赴援和濟格爾先衆
斬敵明總兵祖大壽遣兵出城樵採且刼奪臺堡
並奮擊之生擒二人尋與敵戰城下我軍執纛者

墜于壕和濟格爾掖之出復以烏鎗殪敵三人八年予騎都尉世職崇德三年隨貝勒岳託征明至山東屢擊敗敵兵四年始分漢軍爲四旗以和濟格爾爲鑲白旗副都統五年隨大軍圍錦州禦擊松山步兵杏山騎兵皆捷六年復圍錦州明總督洪承疇率衆駐松山來犯者再和濟格爾俱擊卻之敵自松山分據高橋南三臺和濟格爾以礮攻克之殲百餘人七年復攻克塔山杏山二城叙功

加一雲騎尉是年分漢軍爲八旗改正白旗副都
統兼任佐領八年隨鄭親王濟爾哈朗征明寧遠
攻克中後所前屯衛二城順治元年二月叙功晉
三等輕車都尉世襲罔替三年二月卒長子巴圖
襲職兼佐領遇

恩詔晉二等輕車都尉七年巴圖卒和濟格爾次子拜音
達禮襲職兼佐領康熙八年授叅領九年擢宣化
總兵官十三年七月調隨征福建總兵官時逆藩

吳三桂啗湖南耿精忠據福建平南王尚可喜請
增兵駐防廣東拜音達禮與福建巡撫楊熙並奉
命駐廣州十五年二月可喜子之信糾衆據城叛拜音達
禮與楊熙議引所部出城會大軍擊賊之信已分
布叛黨閉城阻之拜音達禮控騎突前斬關奪門
出同楊熙率所部還會大軍于贛州疏述其事以

聞

上以其奮勇奪門忠貞可嘉下部議叙部議予軍功紀錄

一次復有

旨從優再議于是予雲騎尉職世襲罔替合所襲巴圖之
職爲一等輕車都尉十九年授駐防廣州副都統
二十七年擢廣州將軍三十七年六月卒于官

賜祭葬如例以其子何天培襲職

馬國柱

馬國柱遼陽人隸正白旗漢軍

太宗文皇帝天聰八年

命禮部考取舉人國柱與選

賜衣一襲免四丁入直內院崇德三年授都察院理事官

順治元年大兵擊走流賊李自成大同代州歸順

授國柱山西巡撫自昌平出居庸關至代州任事

值都統葉臣巴哈納石廷柱等平忻州太原國柱

進駐太原策應大軍汾州平陽潞安澤州等府以

次底定賊黨李過高一功遁據綏德國柱疏請分

兵東西夾擊使賊首尾不能相應則一鼓可以成

擒

上是其言二年二月疏薦明廢官巡撫張鵬雲苗胙士大
僕寺卿王邦柱巡按陳昌言等並下部錄用六月
陽曲土賊閻汝龍等糾衆劫掠國柱遣遊擊楊捷
率兵往勦擒斬汝龍等復勦嵐縣土賊高九英招
撫四十餘寨交城賊梁自雨河曲賊李俊等與九
英互爲犄角國柱亦遣將紆平之十月擢宣大總
督四年七月調江南江西河南總督五年正月安

慶土賊馮洪圖陷巢縣掠無爲州國柱飭按察使
王國寶隨侍郎鄂屯卒兵勦擊擒斬洪圖及其黨
蔣懋修鍾武等是月江西總兵金聲桓據南昌叛
賊將潘永禧突犯徽州國柱遣滿洲駐防官兵進
擊賊衆奔潰復祁門縣縣

上命征南大將軍譚泰率師討聲桓九江南康饒州以次
恢復時僞尙書余應桂據都昌出沒鄱陽湖國柱
遣副將楊捷等隨大軍以雲梯攻克都昌城擒應

桂斬之復擊敗賊黨鄒雲龍等于武寧十月廣東
叛鎮李成棟由南雄犯贛州國柱遣兵與巡撫劉
武元等會剿大敗其衆六年湖廣流賊王定安陷
羅田結連江南英山土賊陳元等謀犯霍山縣國
柱遣中軍副將朱運亨擊卻之三尖山檄總兵卜
從善剿白雲梅家英窠諸寨僞石城王朱統錡糾
賊五千餘山金紫寨赴援倚山列陣我兵奮力衝
擊斬獲無算連破賊寨擒僞總兵孔文燦僞副將

方學達等國柱復自率兵會提督巴山張大猷勦
六安州山賊先圍賊黨侯應龍于將軍寨迎擊賊
渠張福寰賊俱敗潰陣斬福寰應龍招降僞總兵
王倭僞副將藉維倫等諸賊寨俱燬滅先是明魯
王朱以海竄舟山其將吳凱據大蘭山助守國往
奉

詔酌籌勦撫機宜知寧波貢生方聖時與其僉都嚴我公
爲舊相識令赴以海處陳說利害我公遂投誠并

獻招撫策國柱護送京師

上遣之齋

敕招撫國柱復寓書與凱至是凱偕諸舊將顧奇勲姜君
獻陳德芝等繳敕印來降是年秋江南河南所屬
州縣有雨雹傷稼者國柱請

勅撫按確勘分別蠲卹得

旨嗣後州縣遇有災傷督撫按卽察明頃畝分數奏請蠲
卹勿泛奏候旨遲于察勘著爲令國柱又疏言江南旣

改爲省南京國子監宜改爲江寧府學卽其舊址
新之仍支學田租銀以供祀事疏下部議從之七
年遇

恩詔加太子少保九年七月福建賊渠張自盛竄入江西
大覺嚴國柱檄提督劉光弼會閩兵合剿陣斬僞
總兵李全等自盛就擒十年五月蘇松巡按秦世
楨疏請各省州縣賦課徑解布政司以杜勒索侵
那諸弊國柱疏言州縣錢糧由府解司所以察核

完欠重郡守之責成請于解府之時府但編號記簿無庸折封換批則勒索那移之弊可絕

詔如國柱所請行十一年正月海賊張名振襲犯崇明及劉河吳淞等地國柱增造戰艦募水師遣總兵王璟副將張思達等分兵夾擊敗賊于靖江又敗之於泰興燬賊舡賊衆遠竄二月湖廣紅頭賊賴龍等據桂東犯江西國柱與湖廣總督祖澤遠會師協剿直搗賊巢擒獲賴龍等是年遇察典加太子

太保九月以年老致仕康熙三年二月卒

賜祭葬如例祀江南山西名宦祠

宜永貴

子思孝孫廷輔

宜永貴遼陽人後隸正白旗漢軍

太宗文皇帝崇德五年永貴任佐領兼叅領隨睿親王多爾袞圍明錦州以礮攻克涼馬山五里屯馬家湖諸臺六年復圍錦州屢擊敗敵兵松山兵乘夜來犯亦以礮卻之明總督洪承疇兵自松山分據高

橋南三臺永貴攻克其臺斬百餘人七年錦州下
鄭親王濟爾哈朗等移師攻取塔山杏山城永貴
並用礮擊毀附近各臺及其城叙功予雲騎尉世
職八年隨鄭親王攻克中後所前屯衛二城晉世
職爲騎都尉順治元年授兵部理事官二年隨豫
親王多鐸追剿流賊李自成敗賊衆于潼關又從
征江南攻取揚州四年考滿加一雲騎尉旋授臨
清總兵官六年朝城土賊杜全濮州土賊張文齊

等分據臺堡劫掠城邑永貴率遊擊王政純曹如松等會集滿洲駐防大兵往朝城搜剿斬杜全及賊衆五百餘人隨移師濮州賊據土城以鎗礮拒戰我兵奮勇攻克殲賊四百餘人追獲張文齊斬之八年復入爲兵部理事官九年擢正白旗漢軍副都統尋授總督倉場侍郎屢遇

恩詔晉世職至一等輕車都尉十年七月授南贛巡撫十一年僞都督許勝可等擾瑞金永貴發兵會剿直